

CYNGOR BRO MORGANNWG

**IS-DDEDDFAU AR GYFER TIROEDD HAMDDEN,
RHODFEYDD CYHOEDDUS A MANNAU AGORED**

**MAN AGORED CYHOEDDUS
TRWYN Y RHWS YM MRO MORGANNWG**

TREFN YR IS-DDEDDFAU

RHAN 1 CYFFREDINOL

1. Dehongli'n gyffredinol
2. Amserau agor

RHAN 2 DIOGELU'R TIR, EI FYWYD GWYLLT A'R CYHOEDD

3. Gwersylla

RHAN 3 DYFRFFYRDD

4. Dehongli Rhan 3
5. Ymdrochi
6. Pysgota

Is-ddeddfau a wnaed o dan *adrannau 12 a 15 o Ddeddf Mannau Agored 1906* gan *Gyngor Bro Morgannwg* ynghylch man agored cyhoeddus Trwyn y Rhws ym Mro Morgannwg.

RHAN 1

CYFFREDINOL

Dehongli'n gyffredinol

1. Yn yr is-ddeddfau hyn:

ystyr “cerbyd pobl anabl” yw cerbyd, p'un a yw'n cael ei yrru'n fecanyddol ai peidio,

- (a) nad yw'n pwysu mwy na 150 o gilogramau, pan nad yw'n cario llwyth,
- (b) nad yw'n fwy na 0.85 metr o led, ac
- (c) a gafodd ei adeiladu neu ei addasu i'w ddefnyddio i gludo unigolyn sy'n dioddef o anabledd ac sy'n cael ei ddefnyddio gan y fath unigolyn yn unig.

ystyr “y Cyngor” yw Cyngor Bro Morgannwg;

ystyr “man dynodedig” yw man ar y tir sydd wedi ei neilltuo at ddiben penodol, a'r man hwnnw a'i ddiben i'w dangos ar hysbysiadau sydd wedi eu gosod mewn lle amlwg;

ystyr “y tir” yw ardaloedd o dir agored cyhoeddus (yn cynnwys unrhyw ddyfrffyrdd) a nodir mewn gwyrdd ar y cynllun a atodir at yr is-ddeddfau yma yn Nhrwyn y Rhws, Bro Morgannwg.

Cymhwys

2. Mae'r is-ddeddfau hyn yn gymwys i y tir y cyfeirir ato uchod yn Nhrwyn y Rhws, Bro Morgannwg.

RHAN 2

DIOGELU'R TIR, EI FYWYD GWYLLT A'R CYHOEDD

Gwersylla

3. Ni chaiff neb, heb gydsyniad y Cyngor, godi pabell na defnyddio cerbyd, carafán nac unrhyw adeiladwaith arall er mwyn gweryslla.

RHAN 3

DYFRFFYRDD

Dehongli Rhan 3

4. Yn y Rhan hon:

ystyr “dyfrffordd” yw unrhyw bwl, forlyn llyn, pwll neu grynofa ddŵr arall, gan gynnwys unrhyw nant neu ffos gysylltiedig.

Ymdrochi

5. Ni chaiff neb, heb esgus rhesymol, ymdrochi na nofio mewn unrhyw ddyfrffordd

Pysgota

6. Ni chaiff neb fwrw rhwyd na llinell i unrhyw ddyfrffordd er mwyn dal pysgod neu anifeiliaid eraill heblaw mewn man dynodedig ar gyfer pysgota ac â chaniatâd ysgrifenedig y Cyngor.

RHAN 4

AMRYWIOL

Dehongliad o Ran 4

7. Yn y rhan hon, mae:

“swyddog awdurdodedig” yn golygu:

- (a) aelod o weithlu'r Cyngor sy'n awdurdodedig yn ysgrifenedig gan y Cyngor i orfodi'r is-ddeddfau yma,
- (b) unrhyw unigolyn neu sefydliad sydd, yn dilyn trefniadau a wnaed â'r Cyngor, wedi eu hawdurdodi yn ysgrifenedig i weithredu ar ran y Cyngor wrth orfodi'r is-ddeddfau yma, ac

- (c) unrhyw aelod o'r gweithlu neu'r fath unigolyn neu sefydliad sydd wedi eu hawdurdodi yn ysgrifenedig gan y Cyngor i weithredu'r pwrpas.

Rhwystro

8. Ni chaiff neb rwystro:

- (a) unrhyw un o swyddogion y Cyngor wrth iddo gyflawni ei ddyletswyddau yn briodol;
- (b) unrhyw un sy'n cyflawni unrhyw weithred sy'n angenrheidiol er mwyn cyflawni unrhyw gontract â'r Cyngor yn briodol; neu
- (c) unrhyw un arall wrth iddo ddefnyddio'r tir yn briodol.

Arbedion

9. (1) Nid yw'n dramgwydd o dan yr is-ddeddfau hyn i un o swyddogion y Cyngor neu unrhyw un sy'n gweithredu'n unol â chontract â'r Cyngor wneud unrhyw beth sy'n angenrheidiol er mwyn cyflawni ei ddyletswydd yn briodol.
- (2) Ni fydd unrhyw beth sydd yn yr is-ddeddfau hyn, neu sy'n cael ei wneud oddi tanynt, yn rhagfarnu mewn unrhyw ffordd, nac yn effeithio'n andwyol ar, unrhyw hawl dramwy gyhoeddus drwy'r tir, na hawliau unrhyw un sy'n gweithredu'n gyfreithlon yn rhinwedd rhyw ystâd, hawl neu fuddiant sydd yn neu dros y tir neu unrhyw ran ohono, neu sy'n effeithio ar y tir neu unrhyw ran ohono.

Symud tramgwyddwyr

10. Caiff un o swyddogion y Cyngor neu gwnstabl symud unrhyw un sy'n tramgwyddo yn erbyn unrhyw un neu rai o'r is-ddeddfau hyn o'r tir.

Y Gosb

11. Mae unrhyw un sy'n tramgwyddo yn erbyn unrhyw un o'r is-ddeddfau hyn yn agored, yn dilyn collfarn ddiannod, i ddirwy nad yw'n uwch na lefel 2 ar y raddfa safonol.

Atodwyd **SÊL GYFFREDIN**
CYNGOR BRO MORGANNWG
yng ngŵydd

(sêl)

Pennaeth Gwasanaethau Cyfreithiol

Crëwyd yr is-ddeddfau uchod ar
2016 a byddant yn dod i rym ar

2016